



Inatsisartunut ilaasortaq
Anna Wangenheim, Demokraatit

Whistleblowereqarnissamut aqqissuussineq pillugu § 37 naapertorlugu apeqummut 341-2019-imut akissut

Brevdato: 21-11-2019
Sags nr. 2019 - 24019

§ 37 naapertorlugu apeqqutinut ukununga akissutit matumuuna nassiunneqarput:

1. Suna peqqutaava whistleblowerit whistleblowereqarnissamut aqqissuussaq 2015-imi akuerineqarsimasoq qanoq atorineqarnissaanut ilitsersuummik peqqissaarussamik piareersaasoqarsimanninneranut?

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut: Pineqartumi sukumiisumik ilitsersuuteqarpoq. Taamaalilluni nittartakkami <http://oqarit.nanoq.gl> suna nalunaarutigineqarsinnaanersoq, qanoq iliortoqassanersoq kinaanerullu isertuunnissaa qanoq qulakkeerneqassanersoq sukumiisumik atuisussanullu piuminarsagaq allaaserineqarpoq. Aamma aqqissuussineq pillugu naqitanngorlugu paasisitsiniaanermi atuagaraq innuttaasut ornittagaannut agguanneqarnikoq siusinnerusukkut suliarineqarnikuuvoq.

Tamassuma saniatigut whistleblowereqarnissamut aqqissuussineq pillugu Namminersorlutik Oqartussat intranetianni Nunuarq immikkut qupperneqarpoq. Paasisitsiniaanermi atuagaraq tassani aaneqarsinnaavoq. Taanna akissummut uunga ilanngullugu nassiunneqarpoq.

2. Innuttaasunut whistleblowereqarnissamut aqqissuussaq ajornanninnermik ammasumillu atoruminarsarnissaanut suliniutit sorliit Naalakkersuisut aallartinniarlugit pilersaarutigaa?

Akissut: Aallaqqaasiullugu erseqqissarneqassaaq whistleblower pillugu nassuiaasiornermi tassaasoq inuk suliffeqarfimmi, kattuffimmi pisortalluunniit sulisoqarfianni pineqartup peqataaffigisaani isornartunik inatsisinilluunniit unioqqutitsinermik paasisutissiisoq. Whistleblowerimut nalinginnaasumik ilisarnaataavoq pineqartoq atorfeqarnermini assigisaanilluunniit pissutsit isornartut inatsisinilluunniit unioqqutitsinerit saqqummersinniarlugit malinngisaminik nipangiussimasusaatitaasoq tatiginassuseqartussaataasorluunniit. Namminersorlutik Oqartussat whistleblowereqarnissamut aqqissuussinerat taamaalilluni innuttaasunut nalinginnaasumik tunngannilaq. Innuttaasut assersuutigalugu suliffeqarfimmi namminersortumi inatsisunik unioqqutitsinermik isornartunilluunniit ilisimatitsinissamik kissaateqartut taamaalillutik Namminersorlutik Oqartussat whistleblowereqarnissamut aqqissuussinerat atorsinnaanngilaat. Aqqissuussineq Namminersorlutik Oqartussat allaffissuanni, taassuma immikkoortortaarfiani sulisoqarfiinilu kiisa suliffeqarfinni Namminersorlutik Oqartussat pigisaanni Nukissiorfinni, Mittarfeqarfinni Asiamilu sulisunut tunngavoq.

Apeqqut tamassuma saniatigut aqqissuussinerup maannakkutut isikkoqartillugu atoruminaanneranik tunngaveqartutut isikkoqarpoq. Naalakkersuisut taamaassorinngilaat. Naalakkersuisut taamaammat Inatsisartut aalajangigaasa saniatigut iliuseqaqqinnissamik pisariaqartitsisoqarsinnaanera takusinnaanngilaat, tak. apeqqummut 4-mut akissut.

3. Whistleblowerit 100 procentimik kinaassutsiminik isertuunneqartarnisaat Naalakkersuisut qanoq qularnaarniarpaat?

Akissut:

Whistleblowereqarnermi nittartakkakut kinaaneq isertuullugu paasissutissiisoqarsinnaavoq. Tamanna isumaqarpoq ateq inulluunniit pillugu paasissutissat soorlu najugaq oqarasuaatilluunniit normua paasissutissiissutiginaqit nalunaaruteqartoqarsinnaavoq.

Nalunaarutinik nalunaarsuinerit nalunaarsuivimmi kinaaneq isertuullugu pisarput. Nalunaarut nammineq kisimi nalunaarsorneqartarpoq. Qarasaasiami nalunaaruteqarfiusumit IP-adressenik maskin-ID-milluunniit nalunaarsuisoqarneq ajorpoq. Paasissutissat IT-mi nalunaarsorneqartut aallaaviusumik suliffiup avataani allanut ingerlateqqinneqarneq ajorput. Kisiannili imatut pisoqartillugu paasissutissat ingerlateqqinneqarsinnaapput:

- Nalunaarummik suliarinninnermut atatillugu eqqartuussissuserisumut kukkunerisuisumulluunniit avataaniittumut ingerlatitseqqiineq.
- Nalunaarut eqqartuussinerup aallartinneranik kinguneqarpat.
- Tamanna inatsisini piumasarineqarpat.

Paasissutissat nalunaarsorneqarnikut taamaallaat pisariaqartinneqartillugit uninngatinneqartassapput. Paasissutissanik nalunaarsuinissap ingerlatiinnarnissaa pisariaqartinneqarunnaaraangat paasissutissat peerneqartarput.

Nalunaarutinut nalunaarsuivik suleqatigisami sumulluunniit attuumassuteqanngitsumi nalunaarsuviup isumannaatsuuneranik inuillu kikkuunerannik isertuussinissamik qularnaveeqqusiisimasumi inissimavoq. Inuit pillugit paasissutissat piarinaatsoorluni unioqqutitsilluniluunniit peerneqarsinnaanerannut, annaaneqarsinnaanerannut ajornerulernissaannulluunniit kiisalu susassaqqanngitsunit ilisimaneqalernissaat atornerlunneqarnissaalluunniit pinngitsoorniarlugu teknikkikkut aqqissuussaannermilu pisariaqartunik iliuseqartoqarnikuvoq. Paasissutissanik nassiunnerit paasissutissanillu nalunaarsuinerit tamarmik paasiuminaallisalluni pisarput. Paasissutissat paasiuminaallisagaanngitsut internetikkut ammasumik nassiunneqarneq ajorput.

Qulaaniittut inunnik illersuineq pillugu politikkimik nittartakkami takuneqarsinnaasumik naalisaaneruvoq.

Nalunaaruteqarneq aamma kalaallisut danskisullu pisinnaavoq.

4. Siunnersuutit UPA2019/81 aamma UPA2019/140 whistleblowerreqarnissamut aaqqissuussamut tunngasut, Inatsisartunilu akuerineqarnikut timitalernissaanut suliaq sumut killippa?

Akissut:

UPA2019/140-mi aktiaateqarfinni Namminersorlutik Oqartussat pigisaanni whistleblowerreqarnermut aaqqissuussaannermi pineqarpoq. Apeqqut tamanna Siulittaasup Naalakkersuisoqarfiata suliassaqaqfigaa. Siulittaasup Naalakkersuisoqarfia imatut paasissutissiivoq:

"Immikkoortumut UPA2019/140 "... Namminersorlutik Oqartussat ingerlatseqatigiiffiini whistleblowerit pillugit aaqqissuussinermik eqqusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, tunngatillugu paasissutissiissutigineqarsinnaavoq suliaq aallartinneqarnikuusoq, aammalu suliffeqarfinnik pitsaasumik aqutsinermut najoqqutassat nutarterneranni suliffeqarfinni Namminersorlutik Oqartussat pigisaanni oqaatilliisarnermik aaqqissuussinerup atuutilersinneqarnissaanik kissaateqarneq atuutilersinneqassasoq."

UPA201/81 eqqarsaatigalugu Naalakkersuisut siunnersuutip aappassaaneerreqarani akissuteqaammi ilisimatitsippot, aalajangiineq UPA2019/49-p akuerineqarneranut atatillugu isigineqassasoq, tassani pineqarluni immikkut akilersilluni iliuuseqartarnerup akiorneqarnera pillugu nassuiaat agguanneqassasoq. Tamanna pillugu pilersuisumit avataaneersumit neqeroorut pissarsiarineqarnikuuvoq, taassumalu nassuiaat taamaattoq suliarissavaat misissuinerullu ilusissaa pillugu maannakkut oqaloqatigiittoqarpoq.

5. Naalakkersuisut allanik suliambut soqutiginaatilinnik paasissutissiisinnaanerlutik?

Akissut:

Naalakkersuisut siunnersuutit UKA2018/81-ip aamma UKA2018/140-p siullermeerreqarnerannut akissuteqaammi immikkoortoq ataaniittoq innersuussutigissallugu naleqqutsippaat:

" 2017-imi novembarimi Naalakkersuisut whistleblowerimik aaqqissuussinerup naliliiffigineqarnera Inatsisartunut agguappaat. Ataatsimut isigalugu naliliinermi oqaatigineqarpoq aaqqissuussineq taamaalluni naapertuuttumik ingerlasoq, tassani saaffiginnittut ikittuaraaneranni aaqqissuussinerup aaqqissugaanera pillugu ersarissumik inerniliussinissaq ajornakusoormat. Naliliinermi ataatsimit isigalugu inerniliunneqarpoq, maannakkut ilusiliineq aammalu malittarisassat aalajangersagaasut atuutsiinnarneqarsinnaasut. Naliliinermi pingaarnertigut suliat 7-it whistleblowerinut immikkoortortap 2015-imiilli suliarisimasai, nassuiarneqarput. Taamatut nassuiaaneq, akuusut kinaassusaannik isertuussinissap qulakkeerreqarnissaa siunertaralugu pingaarnertiguinnaq pisimavoq. Erseqqissarneqassaaq suliassani 7-imi taakkunanani inatsisinik unioqqutitsisoqarsimaneranik paasinarsisitsisoqarsimanngilaq. Kisiannili saaffiginnissutit arlallit sullivimmi aaqqiagiinngissutaasunut iluarsineqanngitsunut tunngassuteqartut paasinarsisimalluni."


Immikkoortoq issuaavigineqartoq suli atuuppoq, tassa tamassuma kingorna saaffiginnissinnaanermi sullivinni aaqqiagiiingissutaasut aaqqiivigineqanngitsut pineqarnerusarmata.

Inussiarnersumik inuulluaqqusillunga


Vittus Qujaukitsog



Oqaatilliisinnaanermik aaqqissuussineq



Oqaatiginnissinnaatitaaneq pillugu internetikkut isertarfik

Sunaana?

Oqaatiginnissinnaatitaaneq pillugu internetikkut isertarfik tassaavoq toqqissisimasumik kinaassutsimillu isertuussilluni Namminersorlutik Oqartussani Qitiusumik Allaffeqarfimmi, immikkoortortaqaqarfinni taakkua ataanniittuni imaluunniit Nukissiorfinni, Asiami Mittarfeqaqarfinnilu akilersilluni peqquserluttoqaranik unioqquutitsisoqarneranilluunniit misigisaqaraanni pasitsissaqaraanilluunniit nalunaarutiginnittarnissamut periarfissaq.

Periuseq atorumaneruneqaqarnerusartooq tassaavoq immikkoortortami pisortamut imaluunniit naalakkersuisoqarfimmi pisortamut/aqutsisoqarfimmi pisortamut oqaloqatiginnittarneq.

Aqutsisoqatigiinni arlaat oqaloqatigisinnaanngissorigukku, oqaatiginnissinnaatitaaneq pillugu isertarfik <http://oqarit.nanog.gl/> / aqutigalugu kinaassutsinnik isertuussillutit imaluunniit isertuussinak atorsinnaavat.

Kikkut oqaatiginnissinnaatitaaneq pillugu isertarfik atorsinnaavaat?

Kikkut tamarmik Namminersorlutik Oqartussat Qitiusumik Allaffeqarfianni, taakkua ataanni immikkoortortaqaqarfinni ingerlatseqatigiiffinni Namminersorlutik Oqartussanit pigineqartuni Nukissiorfinni, Mittarfeqaqarfinni aamma Asiami atorfillit tamarmik. Quppersakkap matuma tunorpiaaniittoq tamakkiisumik allattorsimaffik nassaariuk.

Qaqugu nalunaarutiginnissaanga?

Oqaatiginnissinnaatitaaneq pillugu isertarfik naammagittaalliutinut imaluunniit pissutsinut naammaginngisannut tunngatillugu saaffiginninnissamut naatsorsuussaangilaq.

Soorlu imatut pisuni nalunaaruteqassanngilatit:

- aningaasarsiatit, nalunaaquttap akunneri suliffigisartakkatit imaluunniit sulisitsisut pillugu naammaginngikkuit
- arlaat kamaassimagukku
- nuannariinnarlugu
- uumisaarneqaruit
- naammagittaalliutit pillugit suliani
- pisassiissutit agguanneqaqarsimanerat naammaginngikkukit

Suut nalunaarutigisinnaavakka?

Oqaatiginnissinnaatitaaneq pillugu isertarfik qatserisartoqarfimmut sianernerup assingatut atorneqassaaq - tassa imaappoq taamaallaat ajornartuunnerni.

Soorlu pisuni imatut ittuni:

- Akilersilluni peqquserlunnerni
- Ilaquttanik ikinngutinilluunniit salliutitsinerni
- Akiliilluni peqquserlutsitsinerni
- Uppernarsaatnik salluliorluni atuinerni

- Peqquserlunnerni
- Aningaasanik paarisanik peqquserlunnerni
- Kukkuersiunerimi aamma naatsorsuutini ingerlatsinerimi naapertuuttoqannginnerini
- Avatangiisit pillugit malittarisassanik annertuumik unioqutitsineri

Qularutiginnikkuit, taava nalunaarutiginnigit.

Kinaassutsimik isertuussilluni saaffiginnissuteqarneq

Oqaatiginnissinnaatitaaneq pillugu saaffiginnittarfimmuut kinaassutsimik isertuussilluni saaffiginnittoqarsinnaavoq. Internetikkut isertarfimmuut saaffiginnikkuit kinaanerit uatsinnut nalunaarutigisariaqanngilat.

Sooq kinaassuseq isertuunneqassava?

Inuiaqatigiit ikittuaraapput "kikkullu tamarmik imminnut nalunngilagutsimik-kultureqarluni". Suleqatinik nalunaarutiginnissinnaaneq ajornakusoorsinnaavoq. Amerlasuut kinaassutsiminnik isertuussillutik nalunaarutiginnissinnaatitaaneq iluarinerusarpaat.

Postboksimit pilersitsigit

Nalunaarutiginnikkuit, postboksimit pilersitsinissamut periarfissaqalissaatit. Taava attavigisinnaassavatsigit malinnaatitsisunillu apeqquteqarfisinnaassallutit illillu kinnaassutsit isertuutiinnarsinnaavat.

Taamaattumik nalunaarutiginnikkuit postboksimit pilersitsinissat eqqaamajuk. Taamaasiorsinnaavutit nalunaarutiginnittarnermut quppernerup naqqarpiaani. Tassani nammineerlutit isissutissat ilinnut tunngasoq pilersissavat "send"-ilu toorukku suliap normuanik atuisutut atissat saqqummissaaq.

Isissutissat nassaareqqissinnaaniassagakku allaguk.

Ulluni tulluuttuni qulini suliamit sullissisumit saaffiginnissutinik postboksinnut ikisisoqarsimanersoq takuniarlugu, postboksippit akuttoqatigiissaartumik alakkartarnissaa kaammattuutigineqassaaq.

Kinaassutsinnik isertuussinissannut ilitsersuut

- Qarasaasiaq sulisitsisunnit tunniunneqarsimasoq atoqinagu
- Qarasaasiaq intranetimit atassuserneqarsimasoq atoqinagu.
- Attavimmik (linkimik) toorsinak, internetikkut ujarliummur URL-adressi nuutsiguk imaluunniit allaguk.
- Paasissutissat ilinnut namminermit tunngasut allaqinagit
- Uppernarsaatinit tamanit paasissutissat tassunga atasut saqqumisuunngitsut nassiussilinneginnemi piakkit. Ilitsersuut quppernermi naniuk.

Nalunaarutiginninnginnermi eqqarsaatigikkit:

- Eqqaamajuk ilisimannittuugavik naammagittaalliummillu nalunaarutiginnilernak. Akilersilluni peqquserlunnerit unioqutitsinerilluunniit uparuarpatit.
- Iliuseqalinneginnemi mianernartut inernerusussallu eqqarsaatigikkit

- Pisortamut qaninnerpaamut sulisulluunniit sinniisuannut saaffiginninnermi ajornartorsiutit iluarsineqarsinnaanersut eqqarsaatigiuk.
- Eqqarsaatigisaanngitsunik unnerluussinak - ilumoortut nammineq oqariartortikkit
- Kukkusinnaanerit eqqaamajuk - nassuiaatissaqarluarsinnaavoq
- Pisinnaatitaaffitit ilisimaarikkitt
- Paasiniaasartuusaaqinak
- Immaqa qujassuteqarfigineqanngisaannarnissat nassuerutigiuk

Pisinnaatitaaffitit:

Pisortani atorfeqartutut innuttaasut allat assingalugit tunngaviusumik inatsimmi § 77 kiisalu Europami Inuit Pisinnaatitaaffii pillugit Isumaqatigiisummi artikel 10-mi killilersorneqarani oqalussinnaatitaanermik illersugaavutit. Kisianni inatsit atuuttoq unioqqutissimagukku (soorlu assersuutigalugu pinerluttaalisitsinermut inatsit) malitsigisaanik pillaatissinneqarnissannut taaneqartut tunngavigalugit pillaatissinneqanngitsoorsinnaanngilatit.

Inuinnartut killilersorneqanngitsumik oqalussinnaatitaanerit taamaallaat pinerluttaalisitsinermut inatsimmi § 100-mit eqqissinermik aamma ataqqinassutsimik innarliinermik tunngassuteqartunik killilersorneqarpoq. Assersuutigalugu allat atoqatigiinnikkut kikkunnut sammisuunerat, nunamit suminngaanneernerat ikinnerussutilinnilluunniit kingoqqisuunerat, amiisa qalipaataat imaluunniit upperisaat pillugit nikanarsaataasunik, asissuinerik uloriaaarutinilluunniit oqaaseqassanngilatit.

Pisortani atorfeqartutut Namminersorlutik Oqartussat sinnerlugit kikkunnulluunniit oqaaseqarsinnaavutit, taamaattorli nipangiussisussaataitanerik unneqarittussaataitanerillu killilersugaavutit. Tassa imaappoq, paasissutissat isertuussassat atorsinnaanagillu ingerlateqqissinnaanngilatit. Nammineerlutit suliaqarfigisavit iluani paasissutissanik eqqunngitsuusunnaasunik saqqummiussissanngilatit.

Sulisuuguit aalajangiisartunut qanillutit, taassuma saniatigut pisortani oqartussaasuni aalajangiisarnermut aamma atuussinnaassuseqarnermut tunngatillugu killeqartitaavutit. Taamaattumik nammineerlutit suliaqarfigisatit pillugit oqaaseqarnissaq tunuarsimaarfigissavat.

Pisortani atorfilik suliffeqarfimmi aqcutissat, soorlu assersuutigalugit sulisut sinniisuat imaluunniit aqutsisoqatigiit aqcutigeqqaarnagit kikkunnut tamanut ammasumik isornartorsiuisinnaatitaavoq. Aqcutinili suliffeqarfiup iluaniittuni isornartorsiuteqaaqqaarnissat kaammattuutigissavarput. Tamanna pissusissamisoornerpaallunilu silatusaarnerpaassaaq, siunissami suleqatigiinnikkut atugassarisanik piginniinnarnissamut iluaqutaassammat.

Inatsisinik unioqqutitsinani oqaaseqarneq "pisortanit pitsaanngitsunik qisuariarnernut" kinguneqarsinnaanngilaq. Tassa imaappoq, soorlu assersuutigalugu inatsisit unioqqutinnagit oqaaseqaateqarnerpit nassatarisaanik soraarsitaasinnaanngilatit, suliaqarfigisat allanngortinneqassanngilaq kiisalu oqaaseqarsimanerit pissutigalugu aningaasarsiatigut tapisianik annaasaqarsinnaanngilatit.

Nunatsinni Namminersorlutik Oqartussani oqajamaamik aaqqissuussineq pillugu malittarisassat

Kapitali 1.

Nassuiaat siunertaalu

§ 1. Nunatsinni Namminersorlutik Oqartussat tassaapput qitiusumik allattoqarfik suliffeqarfiillu taassuma ataaniittut.

Imm. 2. Qitiusumik allaffeqarfittut suliffeqarfinillu taassuma ataaniittunik taagorneqartut matumunnga atatillugu tassaapput oqartussat/suliffeqarfiit, ilanngussaq 1-imi taaneqartut.

Imm. 3. Oqajamaamik aaqqissuussinikkut siunertaavoq Nunatsinni Namminersorlutik Oqartussat allaffissornikkut aqutsisoqarfianni taamatullu innuttaasunik sullissinermi assersuutigalugu annertuumik kukkusoqarsimanera pillugu paasissutissanik ingerlatitseqqittarnermut toqqissisimanartunik tunngaveqarnissap qulakkeerneqarnissaa.

Imm. 4. Annertuumik pingaarutilinnilluunniit kukkunerit pillugit § 2 malillugu paasissutissiinerit taamatullu paasissutissiinerit taamaangajattut pisariaqartinneqartutut mianersuullugit suliarineqartassapput. Nunatsinni Namminersorlutik Oqartussani pitsanngorsaatinik pilersitsiniarnermi kukkunernillu pinaveersaartitsiniarnermi paasissutissat atorpeqassapput.

Imm. 5. Oqajamaamik aaqqissuussinikkut Nunatsinni Namminersorlutik Oqartussat allaffissornikkut aqutsisoqarfianni attaveqaqatigiittarfiit nalinginnaasut pilersinneqareersullu taarserneqanngillat. Oqajamaamik aaqqissuussineq taamaallaat assersuutigalugu tatigisaalluni sinniisoqarnermik aaqqissuussinermut imaluunniit suleqatigiinnissamut isumannaallisaanermullu sinniisoqarnermut tapertaassaaq.

Kapitali 2.

Oqajamaamik aaqqissuussinerup atorpeqarfissai

§ 2. Nunatsinni Namminersorlutik Oqartussat allaffissornikkut aqutsisoqarfianni sulisut tamarmik ajunngitsumik siunertaqarlutik oqajamaamik aaqqissuussinermut atorfeqartitaanerminnut ajoqutaasumik pissusilersortoqarnissaa ersissutiginnagu paasissutissiisinnaatitaapput.

Imm. 2. Paasissutissat imm. 3-mi taaneqartut kinaassuseq oqaatiginagu tunniunneqarsinnaapput. Sulisup oqarasuaatikkut internetikkulluunniit oqajamaamut aaqqissuussineq pillugu isertarfanut saaffiginnissuteqarnerani, sulisup kinaassutsini oqaatiginagu saaffiginnissinnaanini periarfissaralugu ilisimatinneqassaaq. Sulisup kinaassutsini oqaatigisimappagu, kinaassutsip oqaatigineqannginnissaa sulisup qulakkeersinnaanngilaa.

Imm. 3. Paasissutissat makkua oqajamaamik aaqqissuussinermut ilaapput:

- a) Namminersorlutik Oqartussat sulianik suliarinninneranni, allaffissornikkut aqutsineranni innuttaasunillu sullissineranni kukkunerit annertuut sumiginnaanerillu,
- b) suliffeqarfimmi tunaartarisassanik kaajallaasitanillu unioqqutitsinerit annertuut,
- c) Namminersorlutik Oqartussat sulianik suliarinninneranni, allaffissornikkut aqutsineranni innuttaasunillu sullissineranni kukkusaqattaarnerit sumiginnaasaqattaarnerilluunniit annertuut,
- d) Namminersorlutik Oqartussat inatsisilerinikkut pisussaaffiinik annertuumik kukkusoqarsimaneranik pissusissamisuunngitsoqarneranik, inatsisilik unioqqutitsinernik annertuumillu soqutigisaqartoqartannginneranik tunngavissalimmik pasinartoqartillugu,
- e) paasissutissat avatangiisinut uumasunullu annertuumik ulorianaatillit, tassa paasissutissat Namminersorlutik Oqartussat suliassaminnik naammassinnittarnerannut pingaaruteqassappata,
- f) paasissutissat meeqqanik inersimasunilluunniit sumiginnaanermik kinguneqarsimappata kinguneqassappataluunniit, tassa paasissutissat Namminersorlutik Oqartussat suliassaminnik naammassinnittarnerannut pingaaruteqassappata,
- g) sulisut atorfinitsitaanerminni inatsisitigut pitsaanngitsumik qisuariarfigineqarnermik misigisaqarsimappata, oqajamaamik aaqqissuussineq tunngavigalugu paasissutissanik tunniussisimanertik pissutigalugu.

Kapitali 3.

Naalackersuisut Kukkunersiuisoqarfiata suliassai, piginnaatitaaffii aaqqissuussaannermilu inissisimamera

§ 3. Naalackersuisut Kukkunersiuisoqarfiata "Namminersornerullutik Oqartussani Kukkunersiuisoqarnermut Tunngaviusumik Ilitsersuutaanni" 7. juni 1990-imeersumi suliassat taaneqartut saniatigut oqajamaamik aaqqissuussinerup allaffissornikkut aqunneqarnerata suliarineqartarnissaa akisussaaffigaat.

Imm. 2. Naalackersuisut Kukkunersiuisoqarfiata oqajamaamik aaqqissuussinermut tunngatillugu § 2 naapertorlugu paasissutissanik tunniunneqartunik tigooraaneq, suliarinnittarneq taamatullu paasissutissanik tunniunneqarsimasunik ingerlatitseqqittarneq suliassarai.

Imm. 3. Naalackersuisut Kukkunersiuisoqarfiat aaqqissuussaannikkut Aningaasaqarnermut Sulisoqarnermullu Aqutsisoqarfimmi inissisimavoq. Naalackersuisut Kukkunersiuisoqarfiat Nunatsinni Namminersorlutik Oqartussani avataaniit sulisutut atuuffeqarpoq immikkoortortaqaqarfiullu pissutsit Namminersorlutik Oqartussani isornartorsiorneqarsinnaasutut takuneqarsinnaasut misissortarpai kukkunersiortarlugillu. Tamakkua saniatigut oqajamaamik aaqqissuussinermi allaffissornermut atatillugu Aningaasaqarnermut Sulisoqarnermullu Aqutsisoqarfiup inatsisilerinikkut piginnaasat pisariaqartinneqartut atugassiissutigiginissaat qulakkiissavai.

Imm. 4. Naalackersuisut Kukkunersiuisoqarfiat allaffiup pisortaanit aqunneqarpoq. Naalackersuisut Kukkunersiuisoqarfianni allaffiup pisortaa Aningaasaqarnermut Sulisoqarnermullu Aqutsisoqarfimmi aqutsisoqarfiup pisortaanut toqqaannartumik attaveqarpoq. Aningaasaqarnermut Sulisoqarnermullu Aqutsisoqarfimmi aqutsisoqarfiup pisortaa Naalackersuisut Kukkunersiuisoqarfianni allaffiup pisortaanut naalakkiisnaatitaavoq, suliallu suliarineqartussat tamaasa § 5, imm. 1 naapertorlugu akuerisussaallugit.

Imm. 5. Naalackersuisut Kukkunersuisoqarfianni taamatullu Aningaasaqarnermut Sulisoqarnermullu Aqutsisoqarfimmi aqutsisoqarfiup pisortaanut sulisut pillugit oqajamaamik aaqqissuussinermut paasissutissat tunniunneqartut tamarmik tiguneranniit piaarnerpaamik Aningaasaqarnermut Naalackersuisoqarfimmi naalackersuisoqarfiup pisortaanut ilisimatitsissutigalugit nassiunneqartassapput. Tamatuma kingorna Aningaasaqarnermut Naalackersuisoqarfimmi naalackersuisoqarfiup pisortaata paasissutissat tiguneqartut qanoq suliarineqassanersut aalajangissavaa.

Imm. 6. Naalackersuisut Kukkunersuisui Nunatsinni Namminersorlutik Oqartussani oqartussaasunut suliffeqarfinnulluunniit ilitsersuinissamik pisinnaatitaanngillat. Naalackersuisut Kukkunersuisoqarfiat oqajamaamik aaqqissuussinermik ingerlatsinermini, tamatumunnga ilanngullugu oqaaseqaatinik, aalangiinernik assigisaanillu qulliunerusunut ingerlatiteqqinnissaminut pisussaaffiligaanngilaq.

Imm. 7. Aningaasaqarnermut Sulisoqarnermullu Aqutsisoqarfimmi aqutsisoqarfiup pisortaa taamatullu Naalackersuisut Kukkunersuisoqarfianni sulisut paasissutissat oqajamaamik aaqqissuussinermik suliaqarnermik ilaattut ilisimalikkatik eqqarsaatigalugit nipangiussisussaataapput.

Kapitali 4.

Paasissutissat oqajamaamik aaqqissuussinermut tunniunneqartut suliarineqartarnerat

§ Imm. 4. Sulisoq § 2 naapertorlugu paasissutissiisoq Naalackersuisut Kukkunersuisoqarfiata paasissutissanik suliarinnittarnerata ingerlariaasia pillugu ilisimatinneqartassaaq. Sulisoq nammineq kissaateqarnermigut suliap suliarineqarnera inernalu pillugit ilisimatinneqarnissaminut periarfissaqarpoq. Ilisimatitsineq sulisup kinaassutsiminik isertuusserusunneranit imaluunniit nipangiusimannittussaataaneq pillugu il. il. malittarisassanit killilerneqarsinnaavoq.

Imm. 2. Paasissutissat tamarmik oqajamaamik aaqqissuussineq naapertorlugu tunniunneqartut Naalackersuisut Kukkunersuisoqarfiannit nalilersorneqartassapput. Paasissutissat pissutsinut sunut tunnganeri, pissutsit qanoq sakkortutigineri, kiisalu paasissutissiissutigineqartut tunngavigalugit pissutsit uppernarsarneqarnissaannut periarfissat naliliinermi ilaatinneqassapput.

Imm. 3. Sulisut paasissutissiisimasut pillugit allagaatinik takunninnissamut qinnuiginninnermi Naalackersuisut Kukkunersuisoqarfiata naalackersuisoqarfimmi pisortaq misissuineramik ingerlatsisuuvoq § 5 imm. 3 aamma 4 naapertorlugit ilisimatissavaa. Ilisimatitsineq pissaaq sulisup paasissutissiisup kinaassutsiminik isertuussinissani toqqarsimappagu toqqarsimangikkaluarpaguluunniit.

Imm. 4. Paasissutissat pingaarutillit tamarmik allakkatigoortuunngitsullu Naalackersuisut Kukkunersuisoqarfiata oqajamaamik aaqqissuussinikkut ilisimalikkani pillugit Naalackersuisut Kukkunersuisoqarfiat allakkialioratassaaq.

Imm. 5. Paasissutissat pissutsinut § 2-mi taaneqartunut tunngassuteqanngitsut imaluunniit pingaaruteqanngitsut Naalackersuisut Kukkunersuisoqarfiannit itigartinneqassapput.

Imm. 6. Naalackersuisut Kukkunersuisoqarfiata paasissutissat sulisup tunniussimasai suliariumangippagit sulisoq ilisimatineqassaaq. Suliaq ilisimatitsissuteqarani unitsinneqassaaq, sulisup kinaassutsiminik isertuussinissani kissaatigisimappagu.

Imm. 7. Naalackersuisut Kukkunersuisuisa paasissutissat suliarinissaat itigartikkuniuk, Nunatsinni Namminersorlutik Oqartussani attaveqaqatigiinnissamut aqquutit allat pillugit sulisoq sapinngisaq tamakkerlugu siunnersussavaa. Iitersuisussaataaneq atuutissanngilaq sulisup kinaassutsiminik isertuussisoqarnissaa kissaatigisimappagu.

Kapitali 5.

Suliffeqarfimmi namminermi misissuinerit

§ 5. § 2 naapertorlugu Naalackersuisut Kukkunersuisuisa paasissutissat tunniunneqarsimasut naalackersuisoqarfimmut akisussaasumut ingerlateqqissavaat, paasissutissat pissutsinut sakkortuutut aamma/imaluunniit pingaaruteqartutut uppersarneqarsinnaanerannullu periarfissaqartutut nalilerneqarpata.

Imm. 2. Naalackersuisut Kukkunersuisoqarfiat paasissutissanik ingerlatitseqqinnissaminut pisussaavoq, naalackersuisoqarfimmi sulisoq atorfeqartitaanikkut inatsiseqartitsinermi nuanniitsumik sakkortuumik § 2 imm. 3, g naapertorlugu pineqarsimasoq paasissutissiissutigineqarpat.

Imm. 3. Naalackersuisut Kukkunersuisoqarfiat imm. 1 aamma 2 naapertorlugit paasissutissanik ingerlatitseqqippat taava naalackersuisoqarfimmi akisussaasumi Naalackersuisoqarfiup pisortaa misissuinerup aallartinnissaanut, ingerlannissaanut naammassinissaanullu akisussaassaaq.

Imm. 4. Naalackersuisut Kukkunersuisoqarfiat imm. 1 aamma 2 naapertorlugit naalackersuisoqarfimmi pisortaq pillugu paasissutissanik tigusaqaruni, taava paasissutissat Naalackersuisut Siulittaasoqarfiata Naalackersuisoqarfiani pisortamut imaluunniit Aningaasaqarnermut Naalackersuisoqarfimmi naalackersuisoqarfiup pisortaanut ingerlatinneqassapput. Naalackersuisoqarfiup pisortaa paasissutissanik tiguisoq, misissuinermik aallartitsinissamut, ingerlatsinissamut naammassininnissamullu akisussaassaaq.

Imm. 5. Naalackersuisoqarfiup pisortaata misissuineq naammassiniariapagu Naalackersuisut Kukkunersuisoqarfiat pissutsit misissuiffigineqartut pillugit nassuiaammik allaganngorlugu tunineqassaaq.

Kapitali 6.

Iliuseqarnissamut periarfissat ilisimatitsissuteqartarnerlu

§ 6. Naalackersuisut Kukkunersuisuisa § 5, imm. 5 naapertorlugu nalunaarusiaq tiguguniuk, Naalackersuisut Kukkunersuisui suliaq pillugu allakkatigut oqaaseqaateqassapput. Naalackersuisut Kukkunersuisoqarfiat tassunga atatillugu kaammattuuteqarsinnaavoq.

§ 7. Naalackersuisut Kukkunersuisoqarfiata allaganngorlugu oqaaseqaasiani naalackersuisoqarfiup pisortaanut misissuineramik aallartitsisumut, ingerlatsisumut naammassinnittumullu § 5 imm. 3 aamma 4 naapertorlugit nassiutissavaa.

Imm. 2. Naalackersuisoqarfiup pisortaa misissuineramik naammassinnissimasoq, Naalackersuisut Kukkunersuisoqarfiat allakkatigut nalunaarfigissavaa, naalackersuisoqarfiup pisortaata Naalackersuisut Kukkunersuisoqarfiata inassuteqarnera malinnianngikkuniuk.

Imm. 3. Naalackersuisut Kukkunersuisoqarfiata paasissutissanik ingerlatitseqqittarneq pillugu inatsisini atuutinneqartuni toqqartumillu nalilersuereernermi kingorna Naalackersuisut Siulittaasuata Naalackersuisoqarfiani pisortamut imaluunniit Aningaasaqarnermut Naalackersuisoqarfimmi naalackersuisoqarfiup pisortaanut oqaaseqaatini ingerlatissinnaavaa.

Kapitali 7. *Atuutilersitsineq*

§ 8. Oqajamaamik aaqqissuussineq atuutilerpoq 1. maaji 2015

Lars Dencker

Aqutsisoqarfiup pisortaa

Aningaasaqarnermut Sulisoqarnermullu Aqutsisoqarfik

Bilag 1.

1. Naalakkersuisut Siulittaasuata Naalakkersuisoqarfia / Formandens Departement
2. Peqqissutsimut Naalakkersuisoqarfik / Departementet for Sundhed
3. Aningaasaqarnermut Naalakkersuisoqarfik / Finansdepartementet
4. Aatsitassanut Ikummatissanullu Naalakkersuisoqarfik / Råstofdepartementet
5. Inuussutissarsiornermut, Suliffeqarnermut Niuernermullu Naalakkersuisoqarfik / Departementet for Erhverv, Arbejdsmarked og Handel
6. Nunanut Allanut Pisortaqarfik / Udenrigsdirektoratet
7. Aalisarnermut, Piniarnermut Nunalerinermullu Naalakkersuisoqarfik / Departementet for Fiskeri, Fangst og Landbrug
8. Ilaqutariinnermut Naligiissitaanermut Isumaginninnermullu Naalakkersuisoqarfik / Departementet for Familie, Ligestilling og Sociale Anliggender
9. Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik / Departementet for Uddannelse, Kultur, Forskning og Kirke
10. Pinngortitamut, Avatangiisinut Inatsisinullu Atuutsitsinermit Naalakkersuisoqarfik / Departementet for Natur, Miljø og Justitsområdet
11. Ineqarnermut, Sanaartornermut Attaveqarnermullu Naalakkersuisoqarfik / Departementet for Bolig, Byggeri og Infrastruktur
12. Sanaartornermik Ilinniarfik / Bygge- og Anlægsskolen
13. Saviminilerinermik Ilinniarfik / Jern- og Metalskolen
14. Peqqissutsimut Pitsaaliuinnermullu Aqutsisoqarfik / Styrelsen for Sundhed og Forebyggelse
15. Digitalinngortitsinermit aqutsisoqarfik / Digitaliseringsstyrelsen
16. Aningaasaqarnermut Sulisoqarnermullu Aqutsisoqarfik / Økonomi- og Personalestyrelsen
17. Akileraartarnermut Aqutsisoqarfik / Skattestyrelsen
18. Atuisartoqarnermut Unammilleqatigiinnermullu Aqutsisoqarfik / Forbruger- og Konkurrence Styrelsen
19. Aalisarsinnaanermut Akuersissutinik Nakkutilliisoqarfik / Grønlands fiskerilicenskontrol
20. Aatsitassanik Suliassaqaqarfinnut Avatangiisinut Aqutsisoqarfik / Miljøstyrelsen for Råstofområdet
21. Aatsitassanut Ikummatissanullu Aqutsisoqarfik / Råstofstyrelsen
22. Nunatsinni Naatsorsueqqissaartarfik / Grønlands Statistik
23. Sungiusarfik "Aaqa"
24. Børnehjemmet Uummannaq
25. Ado Lynges'p Atuarfia
26. Qasapermiut
27. GU-Nuuk
28. Nuna tamakkerlugu ilitsersuisarfik / Nationalt Vejledningscenter
29. Oqaasileriffik / Sprogsekretariat
30. Nunatta Atuagaateqarfik / Landsbiblioteket
31. Nunatta Katersugaasivia Allagaateqarfialu / Nationalarkivet
32. Gertrud Rask Minde
33. Perorsaanermik Ilinniarfik / Socialpædagogisk Seminarium
34. Niuernermik Ilinniarfik Nuuk / Handelsskolen i Nuuk
35. Najugaqarfik Elisibannguaq
36. Palleq
37. Angerlarsimaffik Isikkivik
38. Ilinniartut Ineqarfiisa Allaffeqarfiat / Uddannelses – og kollegieforvaltning
39. Oqaatsinik Pikkorissafik / Sprogcentret
40. INUILI / Levnedsmiddelskolen
41. Imarsiornermik Ilinniarfik / Grønlands Maritime Skole
42. Røde Korsip børnehjemmia / Røde Kors Børnehjem
43. Ivaaraq

44. Pr. Magrethes Børnehjem
45. Nunalerinermik Atuarfik / Landbrugsskolen
46. Meeqqat Inuusuttullu Oqaloqatigiinnittarfiat / Børnerettighedsinstitutionen
47. Kalaallisuuliornermik Ilinniarfik
48. Ilaqutariittut ikorfartorfik/ Familieinstitution
49. Ikorfartorfik / Sikret afdeling
50. Campus Kujalleq
51. Peqqissaanermik Ilinniarfik / Center for Sundhedsuddannelser
52. GU-Aasiaat
53. Nunatsinni Nakorsaaneqarfik / Landslægeembedet
54. Angerlarsimaffik Ulineq
55. Sarliaq
56. Sungiusarfik Ikinngut
57. Eqqumiitsuliornermik Ilinniarfik / Kunsts skolen
58. Meeqqat Illuat
59. Pinngortitaleriffik/ Naturinstituttet
60. Ilisimatusarfik / Universitetet
61. Inuusuttut Inaat
62. Angerlarsimaffik Aja
63. Asiaq /Grønlands Forundersøgelser
64. **Nukissiorfiit**
65. Mittarfeqarfiit / Grønlands Lufthavne